

皇明經世文編

皇明經世文編卷之三百七十八

陳子龍臥子 宋徵璧尚木

選輯

華亭

徐孚遠闇公 何 剛愨人

唐同伯少伯叅校

宸斷大工錄

修守事宜

潘季馴

一築隄

修守

凡黃河隄必遠築。大約離岸須二三里。庶容蓄寬廣。可免決齧。切勿逼水。以致易決難守。仍勘隄址虛實。

如有浮沙量行掘槽務取真正老土每高五寸卽夯杵二三遍若有淤泥與老土同但不堪夯杵須令各夫輪番脚躡俾結成一塊稍乾更加夯杵其取土宜遠切忌傍隄挖取以致成河積水刷損隄根驗隄之法用鐵錐筒探或間一掘試隄式貴坡切忌陡峻如根六丈頂止須二丈俾馬可上下故謂之走馬隄

工費凡創築者每方廣一丈高一尺爲一方計四工土近者每工銀三分最近者二分土遠者四分如隄根六丈頂二丈須通融作四丈折筭此計土

論方之法也。如幫隄，則先計舊隄若干，今增高闊各若干，亦以前法折筭。

一塞決

凡隄初決時，急將兩頭下埽，包裹官夫，晝夜看守，稍待水勢平緩，卽從兩頭接築，如水勢洶湧，頭裹不住，卽于本隄退後數丈，挖槽下埽，如裹頭之法，刷至彼必往矣。此謂絕頭裹也。如又不住，卽于上首築逼水大壩一道，分水勢射對岸，使回溜衝刷，正河則塞工可施矣。塞將完時，水口漸窄，水勢益湧，又有合口之

難須用頭細尾粗之埽。名曰鼠頭埽。俾上水口闊。下水口收。庶不致潦失而塞工易就也。

如用大埽長五丈高六尺者用草六百束每束重十斤價銀二釐該銀一兩二錢柳稍一百二十束每束重三十斤價銀一分該銀一兩二錢如無柳稍以葦代之草繩六十套每套四十二條每條長二丈四尺價銀三分該銀一兩八錢椿木五根每根銀一錢該銀五錢楸頭滾肚繩四條共用銀二百五十斤每斤價銀五釐該銀一兩二錢五分每

大埽一箇，約共該料價銀五兩九錢五分，挑土夫工遠近不等，難以預計，中埽并土牛工料以次遞減。

一築順水壩

順水壩之設，專爲吃緊迎溜處所，如本隄水刷溝湧，雖有邊埽難以久恃，必須將本隄上首築順水壩一道，長十數丈，或五六丈，一丈之壩，可逼水遠去數丈，隄根自成淤灘，而下首之隄俱固矣。安埽之法，上水廂邊埽宜出，將裹頭埽藏入在內，下水埽宜退藏，入

裏頭埽，庶水不得揭動埽也。

如築長六丈、闊四丈、高一丈，用埽兩面廂邊，每邊用埽二行，裏頭二行，中間填土，每行用埽三層，共計用中埽十八箇，每箇長五丈、高三尺，用草四百束，柳稍八十束，草繩四十條，排椿簽椿共用椿木四根，人夫二十五工，共用捲埽隄夫四百五十工，運土隄夫二百工，俱不議工食，共用草七千二百束，該銀一十四兩四錢，柳稍或葦一千四百四十束，該銀一十四兩四錢，草繩七百二十套，該銀二

十一兩六錢、椿木七十二根、該銀七兩二錢、行繩十四條、每條重四十斤、共用纜四百八十斤、該銀二兩四錢、約共該銀六十兩、如無柳稍、以葦代之、一下護根乾埽

凡隄係掃灣須預下乾埽、以衛隄根、此埽須土多料少、簽椿必用長壯、入地尺餘、庶不坍塌、

如下長三丈、高三尺、埽一箇、用草一百六十束、該銀三錢二分、柳稍四十束、該銀四錢、草繩二十套、該銀六錢、椿木三根、該銀三錢、量用纜作行繩、用

隄夫二十工，不議工食，每埽一箇，約共該料價銀一兩六錢二分。

一造滾水石壩 卽減水壩

滾水石壩，爲伏秋水發盈漕，恐勢大漫隄，設此分殺水勢，稍消卽歸正漕，故建壩必擇要害卑窪去處，堅實地基，先下地釘椿鋸，平下龍骨木，仍用石楂樁鐵樁，縫方鋪底石壘砌，鴈翅宜長，宜坡，跌水宜長，迎水宜短，俱用立石攔門，椿數層，其地釘椿須劄鷹架，用懸碇釘下，石縫須用糯米和灰砌縫，使水不入。

如石壩一座、壩身連鴈翅共長三十丈、壩身根闊一丈五尺、收頂一丈二尺高一尺五寸、迎水闊五尺、跌水石闊二丈四尺四鴈翅各斜長二丈五尺、高九尺、用粗細石計長一千三百九十餘丈、并地釘椿龍骨木鐵錠鐵銷煤炭木炭石灰糯米雜蔬及各匠工食、約共該銀一千九百餘兩、其運石擡石搬料夫廩、并官夫廩糧工食臨期酌給、

一建石閘

建閘節水、必擇堅地開基、先挖固工塘、有水即車乾、

方下地釘椿，將椿頭錫平，樁縫上用龍骨木，地平板鋪底，用藤船過方砌底石，仍于迎水用立石一行，攔門椿二行，跌水用立石二行，攔門椿八行，如地平板鋪完，工過半矣，自金門起兩面壘砌完，方鋪海漫鴈翅。

金門長二丈七尺，兩邊轉角至鴈翅，各長五丈，共用石三千一百丈，閘底海漫，攔水跌水，共用石九百丈，二項共用石四千丈，并鐵錠鐵銷鐵錫天橋環地釘椿龍骨木地平板萬年坊石板絞閘閘耳。

絞軸托橋木石灰香油雜麻柴炭等項及各匠工
食約共該銀三千兩有奇其官夫廩糧工食臨期
酌給

一建涵洞

建涵洞以洩積水基址亦擇堅實方可下釘椿砌石
水多則建二孔少止一孔

如涵洞一座口闊一丈五尺身長二丈中立石牆
一堵亦長二丈寬五尺分爲二孔每孔寬五尺兩
邊四鴈翅各一丈五尺共用石二百丈并地釘椿

鐵錠石灰板木并各匠工食約該銀一百八十餘兩其夫役工食臨期酌給

一建車缸壩

先築基堅實埋大木于下以草土覆之時灌水其上令軟滑不傷缸壩東西用將軍柱各四柱上橫施天盤木各二下施石窩各二中置轉軸木各二根每根爲竅二貫以絞閘木繫篋纜于缸縛于軸執絞閘木環軸而推之

一挑河

凡挑河面宜闊。底宜深。如鍋底樣。底中流常深。且岸
不坍塌。如不用隄。須將土運于百餘丈外。以免滌入
河內。

凡創開河者。每方廣一丈。每夫日開深一尺爲一
工。挑濬泥水相半者。減十分之五。全係水中撈取
者。減十之七八。取土登岸。就而築隄者。亦以半折
筭焉。

一 開河偶淺急疏之法

凡開河淺處。如水溜在中。須兩岸築丁頭壩。以束之。

水溜在傍，將淺邊順築束水長壩以逼之，水田壩中其勢自急，中溜自深，如淺處不多，或排板插下泥內，逼水湧刷，或排小船，用杏葉杓挖濬，必不得已，則用椿草製活閘節水，亦一策也。

一栽柳護隄

柳檉柳椽須相兼栽植，柳檉須用核桃大者，入地二尺，出地二三寸，緊靠隄根密栽，俾枝葉搪禦風浪，柳椽須相距五尺許栽一株，既可捍水，且每歲有大枝可供埽料，俱宜于冬春之交，津液含蓄之時栽之，仍

須時常澆灌，柳椽宜用棘刺圍護，以防盜拔畜疇。

一栽茭葦草于護隄

凡隄臨水者，須于隄下密栽蘆葦，或茭草，俱掘連根叢株，先用引椽錐窟深數尺，然後栽入，計闊丈許，將來衍苗愈蕃，卽有風不能鼓浪，此獲臨水隄之要法也。隄根至而再採草子，乘春初稍鋤覆密種，則雖雨淋不能刷土矣。

一伏秋修守

四防

一曰晝防隄岸。每遇黃水大發，急溜掃灣處所未免刷損。若不卽行修補，則掃灣之隄愈漸坍塌，必致潰決。宜督守隄人夫，每日捲土牛小埽聽用。但有刷損者，隨刷隨補，毋使崩卸。少暇則督令取土堆積隄上。若子隄然，以備不時之需，是爲晝防。

二曰夜防。守隄人夫，每遇水發之時，修補刷損隄工，盡日無暇，夜則勞倦，未免熟睡。若不設法巡視，恐寅夜無防，未免失事。須置立五更牌面，分發南北兩岸協守官，并管工委官，照更挨發各舖傳遞，如天字舖

發一更牌，至二更時前牌未到，日字舖卽差人挨查，係何舖稽遲，卽時拏究。餘舖做此隄岸，不斷人行，庶可無誤巡守，是爲夜防。

三日風防。水發之時，多有大風猛浪，隄岸難免撞損。若不防之于微，久則坍薄潰決矣。須督隄夫細札龍尾小埽，擺列隄面，如遇風浪大作，將前埽用繩椿懸繫附隄水面，縱有風浪，隨起隨落，足以護衛，是爲風防。

四日雨防。守隄人夫，每遇驟雨淋漓，若無雨具，必難

存立未免各投人家或舖舍暫避隄岸倘有刷掃何人看視須督各舖夫役每名各置斗笠蓑衣遇有大雨各夫穿帶隄面擺立時時巡視乃無疎虞是爲雨防

二守

一曰官守黃河盛漲管河官一人不能周巡兩岸須添委一協守職官分岸巡督每隄三里原設舖一座每舖夫三十名計每夫分守隄一十八丈宜責每夫二名共一段于隄面之上共搭一窩舖仍置燈籠一

箇遇夜在彼棲止，以便傳遞更牌巡視，仍畫地分委省義等官，日則督夫修補，夜則稽查更牌，管河官并協守職官，時嘗催督巡視，庶防守無頃刻懈弛，而隄岸可保無事。

二曰民守，每舖三里，雖已派夫三十名，足以修守，恐各夫調用無常，仍須預備，宜照往年舊規，于附近隄隄鄉村，每舖各添派鄉夫十名，水發上隄，與同舖夫併力協守，水一落，卽省放回家，量時去留，不妨農業，不惟隄岸有賴，而附隄之民，亦得各保田廬矣。

一豎旗竿燈籠似此防水和以示防守各舖相離頗遠倘一舖有

警別舖不聞有誤救護須令隄老每舖豎立旗竿一

根黃旗一面上書某字舖三字燈籠一箇晝則懸旗

夜則掛燈以便瞻望仍置銅鑼一面以便轉報一舖

有警鳴鑼為號臨舖夫老挨次傳報各舖夫老併力

齊赴有警處所即時救護首尾相顧通力合作庶保

萬全

一冬春預備每歲秋末冬初修守稍暇即督夫採草

十餘日每日限以束數每束限以斤數大約五斤一

束者每夫日可採五十餘束採完卽運置近隄高阜處所上下蓋墊俱須如法不令雨淋水泡以致朽爛仍責成的當人役看守管河司道以此課管河官之勤惰焉如此則數年隨取隨足不必旋買如採積百萬束便可省銀一千兩其椿檠等項俱宜于冬春間估計詳盡預發官銀督各州縣差人收買運置各廠其初買必報所差之人買完必報所買之數庶護埽順壩等工不致臨時缺乏脫有不測而物料旣充且夕可塞此河道第一吃緊工夫也

一水。汛。立。春。之。後。東。風。解。凍。河。邊。人。候。水。初。至。凡。一。寸。則。夏。秋。當。至。一。尺。頗。爲。信。驗。謂。之。信。水。二。月。三。月。桃。花。始。開。冰。泮。雨。積。川。流。猥。集。波。瀾。盛。長。謂。之。桃。水。春。末。蕪。菁。花。開。謂。之。菜。花。水。四。月。瓏。麥。結。秀。擢。芒。變。色。謂。之。麥。黃。水。五。月。瓜。實。延。蔓。謂。之。瓜。蔓。水。朔。野。之。地。深。山。窮。谷。水。堅。脫。泮。逮。乎。盛。夏。消。釋。方。盡。而。沃。蕩。山。石。水。帶。羃。腥。併。流。于。河。故。六。月。中。旬。之。水。謂。之。羃。山。水。七。月。菽。豆。方。秀。謂。之。豆。華。水。八。月。荻。蘆。華。謂。之。荻。苗。水。九。月。以。重。陽。紀。節。謂。之。登。高。水。十。月。水。落。安。

流復其故道。謂之復槽水。十一月十二月斷水雜流。乘寒復結。謂之感凌水。此外非時暴漲。謂之客水。皆當督夫巡守。而伏秋水勢最盛。非他時比。故防者晝夜不可少懈云。

河防要害

淮北

一陽山舊縷隄。原因傍隄取土。以致隄根成河。每上河劉霄等口漫溢。則直灌隄河。壅激衝撞。縷隄坐此不支。今棄此隄。于不用。而另幫。近年所築月隄。已爲

得策。又慮縷隄決。則月隄亦危。且碭居豐沛上游。碭隄乃豐沛外戶。外戶失守。則堂與隨之。故復徬黃河順水壩之意。于單碭接界處。築斜壩千餘丈。使上流漫溢之水。循壩徑歸大河。不得迫縷隄。以危月隄。今歲已有明効矣。後之守碭隄者。宜加意此壩。冬春撥夫幫培。伏秋倍夫防守。此保全碭豐沛一帶隄防。閼鍵也。

一豐縣邵家大壩。乃斷截秦溝舊路。最爲吃緊。蓋河出小浮橋。則能刷洪以深河。若復出秦溝。則原非故

道河底甚淺其所注泥沙并下流河身俱淤墊矣。往轍昭然可鑒也。此壩今已倍幫又接長數百丈每歲宜摘調徐北隄夫赴此加修加守若日後夫力錢糧有餘再于華山斜築大壩直至樓子集將秦溝濁河二口俱斷則全勝之策也。但壩須大斜向東南勿令兜水乃可經久。姑識之以俟將來。

一茶城濁河一帶每歲黃水大發輒有倒灌之淤。蓋往時開河出三沽泉水陡峻有凌軼黃水之勢故黃水不能灌入。今夏鎮新河地亢阻泉水不得直下故

濟寧十二閘半沒水中。泉水之力既弱。故黃水得鼓其餘勇而灌入焉。雖淤淺不過數日。閘水卽復衝開。然咽喉之地。豈容頃刻梗阻。除三年兩挑之法。宜酌量常舉外。每歲黃水將發之時。須卽調夫密築丁頭長壩。束清水急衝之。其河渠散漫處。量于水中縷築小長堤。束河使狹。則水亦增深。船可無滯。雖似權宜之法。已成歲修之工。若再濬通三沽舊河。以洩金鄉魚臺等處之水。則又增清水衝刷之力。而淤淺之患可祛矣。此工宜與東省協圖焉。

一徐州之房村、牛市口、梨林鋪、李家井、靈壁之雙溝、曲頭集、栲栳灣、睢寧之馬家淺、王家口、白浪淺、何字鋪、邳州之匙頭灣、張林鋪、沙坊等處，皆係掃灣急溜。先年屢經衝決，最爲要害。每歲冬春間，務及時詳加勘議，應護埽者急護，應順壩者急築。若水旣發，則難施工矣。水發之後，尤須倍嚴防守。司道府官俱當不時巡閱，矧濱河田地，每利于黃河出岸，淤填肥美。奸民往往盜決，蓋勢旣掃溜，止須掘一蟻穴，而數十丈立潰矣。凡此等處，夜防尤不可懈，識之慎之。

一歸仁集新隄，所以捍禦黃水，睢水湖水，使不得南射泗洲，并攻高堰，而又遏睢水湖水，使之併入黃河，益助衝刷，關係最爲重大，每歲三月間，卽當撥洪夫二百餘名，協同本隄夫，併力修護，隄下宜密栽茭柳，以擋風波，其水浸隄根稍深處，卽預下護埽一二層，椿笆欹朽者，務逐一掘換填築，內四舖以至九舖，尤爲危險，工宜倍之，每歲冬春，宜多運椿絲繩草分貯各舖，及管河主簿，督令專駐本隄，以便督率，然其橐籥，則又在小河口之通塞，蓋小河通則睢水徑入黃。

河而歸。仁之水減半。其藩籬則又在耿車時兒灘一帶之隄。蓋此隄高厚堅固。則睢水不能漫入埤子等湖。而小湖常通矣。故上自高阜。下至時灘。皆當接築長隄。歲加修守。且密栽菱葦以護之。蓋修守此隄。卽所以修守歸仁也。况小河常通。則靈睢宿遷積水得泄。而沮洳漸成膏腴。舟行徑直。免犯湖險。而小民便于販易。爲地方利。又非淺鮮也。司河者加意焉。

一 邳州東南六十里。原有直河。以宣洩蒙沂諸山之水。近年因黃河墊高。直河遂塞。諸山水俱迤邐。由落

馬湖以出大河。水勢紆迴。則近邳田地。常被淹浸。湖波浩淼。則候風舟楫。遲滯艱危。不特直河居民失市廛之利已也。今已開復通行矣。但迤裏閭家集等口。乃原通落馬湖故道。近築長隄。遏水。此隄之堅。瑕乃直河所視。以通塞者。每歲仍須加高加厚。水發之時。嚴行防守。不令復出落馬湖。庶直河可保不淤也。此與耿車時灘之隄。同一闕。振不可不知。

一。遊縷夾中居民。及濱河居民。俱當諭以移居高阜處所。或卽結廬于遙隄之上。蓋黃河伏秋盛漲之時。

縷隄逼水。必難恃以爲安。若水至而後避則無及矣。此亦徙民當水衝者之遺意也。卽小民安土重遷亦須諭以四月暫移。至九月復還故址。每歲春杪司道卽嚴行各州縣家諭而戶曉之。久之而民知遙隄之外皆樂土自有不待驅迫而相率移居者矣。

淮南

一歲防高堰。高堰爲淮揚門戶。隄防不可不嚴。修守不可不預。官夫旣設。每歲伏秋又益以營兵四百名。盡地分守。隨汕隨葺。似可無虞矣。但幫護之法。每歲

冬春間，須于椿板之內劃溝一道，貼蓆二層，緊細草牛，捱蓆密護，毋使芟須漏縫，然後實土堅夯，則是以椿板蓆片護草牛，以草牛護土浪，高何從得來。至于密植檉柳茭葦，以爲外護，須于水落卽種，庶免淹沒，是在當事者加之意耳。中間三千丈，已議斲石，工成之後，兵夫可撤也。

一議防湖隄，諸湖隄岸見議加幫高厚，且多減水關，尋常之水似可無虞矣。但如今歲淫潦彌月，山水併發，則又不可不預爲之計也。查得沙壩并芒稻白塔

二河俱可洩水，但當事者，因慮私販鹽徒，潛通間道，每每築壩斷流，殊不知欲禁舟航，何須築塞。除冬春初夏，任從築壩外，一入初伏，卽盡啓諸壩，河心密布椿柵，仍委白塔巡檢嚴防越渡舡隻，瓜儀諸閘一體開放，開口攔以木柵，則湖水可洩，而鹽政稅課亦無妨矣。

一歲防清江浦外河清江浦內外河相隔，僅得一線之隄，最爲吃緊，况黃河自清河縣出口，由西射東，勢甚湍急，然掃灣迎溜之處，不過一百五十丈，今歲之

水可謂異常止是捲築雞嘴六道每道相去二三十丈不等阻隔來流復于雞嘴中間捲掃護岸即可支持然倉卒措辦未免張皇莫若于冬春之間捲築大埽幫護老隄埽外深下密椿內用兩笆兩蓆以護埽亦如歲防高堰之法自可無虞合用人夫查有本浦牙行原編夫役專聽本隄興作免其別處差撥自可足用其餘椿草所費不多措辦自易至于用石甃砌以爲永久之計則俟工力少裕爲之可也雞嘴卽順水壩之俗名

一議守西橋壩。淮郡西里許。地各西橋。界于內外河之間。淮黃合流。從西直射。勢漸內徙。民甚危之。然長不滿二十丈。今議歲守之法。每冬春間。預先多備物料。治河深下。密椿貼以笆蓆。中實以埽。責令能幹義民官一員。伏秋晝夜防守。時時偵探。折則加損。則易大略與防守清江浦外河相同。今歲以此法守之。居民晏然。更于此壩之上。捲築順水壩一座。以殺洶溜。尤易爲守。舍此更無法矣。

一議守徐家壩。清河而下。黃淮二瀆交流。注海。越五

卷之四
十里一大折于淮郡之西橋，又三十餘里，一大折于徐家壩，其衝激怒號之勢，無異西橋。前此治者屢壩屢壞，爲與水爭尺寸耳。今議棄舊址，只營月壩，去水稍遠，令無湍激，外護椿埽，用實基，事省功倍，良得策也。每歲修守，預備物料，倣西橋議爲之。伏秋將屆，專責山陽令督管河主簿，不時巡視，少有圯壞，輒先綜理，年復如斯，斯永賴也。

一議守八淺隄，寶應縣之西十餘里，有白馬湖，其當湖心而東，卽所謂八淺隄也。往歲隄決，湖水奔逸，建

筵而下舟楫過者少遇西風輒沉溺不可救其決處
闊八十餘丈深且二丈五六尺而水勢湍急莫可名
狀雖不惜費寧能與水角力哉屢築無功覆轍可鑒
也乃議從湖心淺處先築西隄一道以捍其外仍于
河之南北截壩二道暫令運艘越湖而行隄壩成則
入淺正決瀦水不流捧土而塞之矣是築西隄者乃
所以塞東決也但東決雖塞西隄終不可棄必須歲
加修築仍密種檉柳菱葦之類使其能當濤浪則東
隄不守而自固矣此當于冬初預行寶應縣掌印管

河官料理可也。

一嚴關禁河口。諸關之設先臣平江伯陳瑄殊有深意。蓋節宣有度。則外河之水不得突入。運河之水不得盈漕。非惟清江板關一帶隄岸易守。而寶應諸湖亦緩此一派急流矣。但啓閉之法。非嚴不可。如啓通濟關則福清二關必不可啓。啓清江關則福通二關必不可啓。啓福興關則清通二關必不可啓。單日放進。雙日放出。滿漕方放。放後卽閉。入伏卽于通濟關外填築軟壩。秋杪方啓。悉照先年舊規。與近日題准。

事例行之、其于河道關係不小也、

一歲守淮城北岸遙隄、查得清江浦起、由柳浦灣至高嶺止、共隄一萬六千四百餘丈、乃淮安城北外捍殊爲吃緊、雖經設有隄夫、但因高堰逼近淮河、伏秋修防甚急、各夫俱爲占用、而此隄之守、較之高堰、難易迥別、故議自清江浦起、至新城小北門外、爲第一段、自小北門起、至北岡止、爲第二段、自北岡起、至高嶺止、爲第三段、各委能幹義官一員、率夫十名、如有汕刷、隨宜修補、倘遇大有損動、卽于隄內有產之家、

量起夫役相幫修築、仍須預備椿草繩葦之類、各安置要害處、所以待不時之需、每歲冬春之交、卽預行申飭山陽縣掌印官可也。

一歲守通濟閘外大壩、舊通濟閘、逼近外河、河形淺直、水勢洶湧、不便啓閉、而朱家口一帶隄岸、尤爲難守、今移閘于甘羅城旁、改河于西南隅、而于舊閘內半里許、築攔水大壩一道、置朱家口于度外、似爲得策矣、但大壩最爲吃緊、萬一傾圮、則新河與舊河之水、併瀉入閘、勢必不支、每歲四月初、須專委一的當

義民官撥夫十餘名，量備椿草守之，毋忽。議者又謂從大壩迤東兩頭，直接泰山築隄一道，僅三里許，則壩東與高堰七里墩迤北兩峽一帶隄岸，俱不須守，而隄內之田，皆可耕矣。冬涸之時，夫力稍暇，卽宜圖之。

一防清口淤澁。清口乃黃淮交會之所，運道必經之處，稍有淺阻，便非利涉。但欲其通利，須令全淮之水盡由此出，則力能敵黃，不爲沙墊。偶遇黃水先發，淮水尙微，河沙逆上，不免淺阻。然黃退淮行深，復如故。

不爲害也。往歲高堰潰決，淮從東行，清口遂爲平陸。今高堰築矣，獨慮清河縣對岸王家口等處。淮水過盛，從此決出，則清口之力微矣。故于清河縣南岸築隄一段，以防其決。蓋爲此也。工若甚緩，而關係甚大。必須每歲督令清河縣責差的當員役看守，如遇塌損，即便修築可也。更有一事，尤宜稽察。河南鳳泗等處商販舡隻最利，由此直達，每爲盜決，須嚴防之。

科道會勘河工疏

附 會勘河工

此錄所載條議俱詳于本疏中至于錄根工役

題爲恭報兩河工成仰慰 聖衷事，臣等惟黃河

爲患細流具于覆流存之以備後鮮有臻成効者項查考又甚而奪淮以

致淮揚之間民遭胥溺其仰厯宸衷亦孔殷矣

河臣潘季馴等乃能殫智畢力卒使兩河順軌上有濟于運道下有裨于民生誠曠世一殊勛也工已報竣委應差官查勘明白具本回奏等因奉

聖旨是着尹瑾上緊去欽此續該本部覆題前因會同彼處巡按御史查照原題事理將後開工程逐一查勘果否做完及有無堅實錢糧有無虛冒勘明徑自具奏等因臣會同巡按直隸監察御史

李時成夙夜兢惕殫心竭力以圖瘳曠凡所勘隄
壩慮其長短之異數也爲長繩以計其丈尺慮其
厚薄之異制也爲橫竿垂線以計其底面慮其泥
沙之異土也試之鋤鍬以驗其純雜慮其堅鬆之
異工也試之錐錐以驗其虛實隄堰以土真杵實
爲上壩閘以石塊堅厚爲工卽自淮北地方勘得
管理中河工部郎中余毅中督率府衛州縣同知
等官王琰等原分工程自古城起至關王廟止遙
隄一道丈量長八千六百八十九丈二寸俱根闊

六丈底闊二丈高一丈至九尺不等築塞崔鎮大
決口一處及劉真君廟等決口共三十六處丈量
長四百六十一丈五寸古城堰口隄一道丈量長
三百六十丈崔鎮減水閘壩一座壩身連鴈翅共
長二十丈三山頭遙隄一道丈量長二千四百二十
八丈三尺五寸俱根闊四丈頂闊一丈六尺高八
九尺不等馬廠坡遙隄一道丈量長七百四十六
丈根闊七丈至五丈不等頂闊二丈高一丈至八
尺不等各隄栽過隄柳數計一十六萬一千六百

株共用過銀四萬八千七百五十九兩九錢七分七釐三毫米一萬四千一百七十六石九斗七升二合又勘得海防兵備兼管河道叅政龔大器督率府州縣通判等官宋守中等原分工程自呂梁山麓谷山頭起至直河止遙隄一道丈量長九千四百六十四丈一尺俱根闊六丈至五丈不等頂闊二丈至一丈五六尺不等高九尺至七八尺不等谷山并匙頭灣涵洞各一座三山遙隄一道丈量長一千三百九十一丈八尺俱根闊四丈頂闊

一丈四五尺不等，高八尺，各隄栽過低柳數計五萬二千株，共用過銀五萬一千一百七十七兩五錢五分六釐六毫八絲，米四千三十三石三升，又勘得徐州兵備兼管河道叅政游季勳督率府衛州縣同知等官蔡玠等原分工程，自竇老穀堆起至象山止，遙隄一道，丈量長一萬一千七百五十七丈二尺，俱根闊六丈，頂闊二丈，高九尺，徐昇鎮減水石壩一座，壩身連鴈翅共長三十丈，三山遙隄一道，丈量長二千六百四十七丈一尺六寸，俱

根關四丈頂關一丈六尺高九尺并順水壩一道
各隄栽過低柳數計一十五萬一千六百株共用
過銀五萬九千三百四十五兩八錢一分四毫一
絲米五萬一千九百六石一斗二升八合又勘得
水利道副使張純督率府州縣同知等官樊克宅
等原分工程自桃源縣閘王廟起至清河縣護城
隄止遙隄一道丈量長九千七百二十一丈俱根
關六丈頂關二丈高一丈至八九尺不等塞完張
泗冲等決口一十八處丈量共長二百一十一丈

季太三義二鎮減水石壩二座、各壩身連鴈翅俱長三十丈、三山遙隄一道、丈量長二千五百四十九丈、俱根闊四丈、頂闊一丈五寸、高八尺、各隄栽過低柳數計五萬三千株、共用過銀五萬三千三百一十三兩九錢四分九釐八毫、米一萬四千三百一十八石一斗五升、又勘得潁州兵備兼管河道僉事朱東光督率府衛州縣通判等官李光前等、原分工程、自象山起至果字鋪止、遙隄一道、丈量長六千九百三十六丈七尺、俱根闊九丈、至六

丈六尺不等、頂闊二丈一尺、高一丈至八尺不等、果字舖起至李字舖止遙隄一道、丈量長八百四十八丈六尺、俱根闊六丈六尺、頂闊二丈一尺、高八九尺不等、歸仁集遙隄一道、丈量長七千六百八十二丈八尺、根闊六丈至四丈五丈不等、頂闊三丈至一丈不等、高一丈二尺至八九尺不等、內填塞決口四十七處、丈量長三百四十九丈、各隄栽過低柳數計三十萬株、共用過銀七萬四百一十三兩一錢五分六釐七毫、米二萬五千四百一

十八石九斗二升復至淮南地方又勘得管理南
河工部郎中張譽督率府衛州縣同知等官鄭國
彥等原分工程高家堰築隄一道丈量長一萬八
百七十八丈俱根闊一十五丈至八丈六尺不等
頂闊六丈至二丈高一丈二三尺不等內三千四
百丈俱係椿板廂護築塞大澗濼洋湯恩等決口
三十三處丈量長一千一百一十八丈築塞朱家
決口一處及築月壩一道丈量長八十丈本口直
隄一道丈量長一十四丈閉塞天妃閣一座幫築

趙家口迤西兩岸堤二道、丈量長六百七十四丈、俱根闊二丈至一丈、頂闊二丈至一丈、高一丈至八尺不等、修建禮字壩、智字壩各一座、天妃壩一座、開過出閘河口、自甘羅城起至淮河止、丈量長二百一十三丈、底闊四丈、面闊六丈、深一丈、兩岸築隄二道、丈量長四百二十六丈、根闊十丈、頂闊二丈、高一丈、築塞黃浦大決口一處、南北攔河壩二道、丈量長四十五丈、根闊一十三丈、頂闊十丈、高二丈、填築正口連土隄一道、丈量長九十四丈、

自水底至頂高三丈八尺根闊一十三丈頂闊四丈三尺改建通濟閘一座并攔閘河一道各隄共栽過低柳數計六萬株共用過銀八萬八千九百七十七兩一錢五分一釐四毫七絲一忽米六千五百一十石一升五合內高家堰澗北武家墩澗南越城集二處土隄根底丈量共長五千七百七十四丈三尺查係去任水利道僉事楊化先行填築計用過銀一萬四千九百一兩一錢一分六釐六毫五絲又查得清江廠工部主事陳瑛督率都

司等官俞尚志等原分工程自清江浦起修築南
北兩岸河隄丈量長三千三百九丈八尺俱根闊
一丈二尺頂闊八尺五寸高三尺五寸築塞鄭家
決口一處丈量長六十七丈并加隄一道自水底
至頂高一丈三四尺不等底闊二丈五尺頂闊九
尺共用過銀三千二百四十九兩六錢二分九釐
米五十石又勘得水利道副使張純督率府州縣
同知等官劉順之等原分工程自淮安新城北修
築舊隄起及清江浦至柳浦灣止丈量長九千八

百五十一丈幫闊二丈一丈五尺至一丈不等高四尺至二三尺不等又自柳浦灣起至高嶺止新隄一道丈量長六千五百四十丈俱根闊四丈五尺頂闊一丈五尺高六尺西橋壩一座丈量長一十二丈自水底至頂高二丈築塞入淺夾口一處丈量長八十五丈六尺下加土隄根闊七八丈不等頂闊二丈自水底至頂高二丈至一丈四五尺不等用石包砌高一丈五六尺不等石隄兩頭接築土隄二道丈量長一百五十丈俱根闊三丈頂

闊二丈，高一丈三四尺不等，南北攔河壩二道，丈量長五十九丈，西隄一道，丈量長二百四十一丈，俱根闊五六丈不等，頂闊一丈三四尺不等，自水底至頂，高一丈六七尺不等，各隄栽過低柳數計五萬四千株，共用過銀三萬九千八百五十八兩七錢五分二釐九毫，米一萬六千二百五十三石三斗一升二合，又勘得柳浦灣舊隄頭起，接連新隄一道，丈量長九百七丈，底闊四丈五尺，至三丈四尺，頂闊一丈二尺，至一丈不等，俱高六尺，查係原

任副使今致仕章鸞所築用過銀四千二百三十
七兩六錢三分五釐米二千八百九十三石五斗
七升又勘得營田道僉事史邦直督率府衛州縣
通判等官王開等原分工程修築寶應湖土隄一
道丈量長四千四百九十二丈俱根闊五丈頂闊
三丈高一丈六七寸不等內用石塊包砌三千三
百七十箇丈九尺除修補石塊舊隄一千八百八
十三丈一尺外新砌石隄實計一千四百九十一
丈八尺俱根闊五尺頂闊三尺高一丈四五尺不

等。上加土西面三尺、東面四五尺不等、用椿笆廂
護一千一百一十七丈一尺、修建減水閘四座、共
用過銀三萬七千四百九兩七錢三分二釐六毫
三絲、米一萬九千五百七十三石三斗一升六合
又勘得揚州府知府虞德燁、督率府州縣通判等
官郭紹等原分工程、自揚州高廟起至儀真縣東
關止、挑濬過淤淺河道、丈量長一萬一千五百六
十三丈五尺、挑濬五尺至二三尺不等、闊一十四
丈至八丈不等、共用過銀一萬三千九百二兩二

錢五分二釐五毫五忽。又勘得淮安府知府宋伯華督率府衛州縣同知等官劉順之等原分工程改建福興閘一座，修建清江閘一座，各砌石塊丈，量共計二千二百九十二丈三尺，旁開月河一道，丈量長九十三丈，南北攔河壩二道，丈量長三十五丈，閘下兩岍，并月河隄，丈量長一百二十四丈，俱有椿笆廂護，共用過銀一萬一千七百二十八兩九錢九分九釐六毫六絲三忽，米一千五百九十三石一斗四升九合，總計兩河之工，築過土堤

共長一十萬二千二百六十八丈三尺一寸，石隄長一千五百七十七丈四尺，塞過大小決口共一百三十九處，建過減水石壩四座，共長一百二十丈，修建過新舊閘三座，車壩三座，築過攔河順水等壩十道，建過涵洞二座，減水閘四座，濬過運河淤淺長一萬一千五百六十三丈五尺，開過河渠二道，栽過低柳八十三萬二千二百株，及原任副使章時鸞先築過土隄九百七丈，各工共用銀四十九萬七千二百七十五兩七錢一分七厘九忽

以上細款此州總數也

米一十二萬六千七百二十三石五斗六升二合、
每石原議折銀五錢、該折銀六萬三千三百六十
一兩七錢八分一釐、通共銀五十六萬六百三十
七兩四錢九分一釐七毫九忽、該臣等逐一親歷、
躬自查勘、隄堰夾口、皆係真土築塞、加以夯杵椿
實、石隄閘壩、俱係平廣厚石、縫以鐵錠、廂鈴、隄堰
之設、亘若長城、壩閘之堅、屹如磐石、委爲堅固、足
堪捍禦、河渠淤淺、挑挖深闊、舡隻通行、實裨轉運、
及查先後題議工程、竝無疎漏、通將所用錢糧、行

委廬州府同知孫化龍、淮安府推官王國祚對卷稽覈，查得先該原任總理河漕工部尚書吳桂芳揭議，該工部覆請，准發南京戶兵二部糧剩馬價銀二十萬兩，截留漕米八萬石，加耗米二萬四千七百四十九石一斗七升三合二勺，每石折銀五錢，共折該銀五萬二千三百七十四兩五錢八分六釐六毫。後該總理河漕都察院右都御史潘季馴會同總督漕運戶部右侍郎江一麟議題，該戶工二部覆議，題請准發該折糧料銀五十九萬八

千三百二十三兩二錢二分六釐，除廬鳳蘇松等府被災題准停徵，併減派銀一萬八千二十八兩八錢二分九釐三毫七絲，實該銀五十八萬二千九十四兩三錢九分六釐六毫三絲。南京事例銀五萬兩，因例已停，止解銀二萬九千一百九十兩。續該戶部題准掣回銀三千六百三十兩，解還太倉訖，實該銀二萬五千五百六十兩。巡鹽衙門議開支河銀三萬五千八百七十六兩，內除支河停開未支銀二萬五千八百七十六兩，實該銀一萬

兩巡漕御史陳世寶奏借漕米該戶部覆題准留
五萬五千石加耗米一萬八千七十四石六斗每
石折銀五錢共折該銀三萬六千五百三十七兩
三錢議將河工銀兩補還淮安府積出法馬羨餘
銀二千三百一十三兩四分五釐以上七項銀米
通共該銀九十萬七千七十九兩三錢二分八釐
二毫三絲內除解還太倉漕米價銀三萬六千五
百三十七兩三錢并萬曆六年七年各工歲修用
過銀六萬二千五百三十七兩八錢三分一釐一

毫四絲米六千九十八石二斗六升折該銀三千
四十九兩一錢三分及儀真開挑便河先用過銀
二千一百九兩七錢四分九釐三毫二絲俱聽河
漕衙門年終奏報外實該銀米共銀八十萬二千
八百四十五兩三錢一分七釐七毫七絲除大工
用過前項銀米外實該剩銀二十一萬九千七百
六兩八錢五分四毫六絲一忽米四萬五千一石
九斗五升一合四勺折該銀二萬二千五百兩九
錢七分五釐六毫通共剩銀二十四萬二千二百

七兩八錢二分六釐六絲一忽見在淮安府并各
州縣倉庫收貯臣等仍吊取卷簿親自覈實俱無
虛冒伏乞敕下工部再加查覈并將効勞官員破
格優叙謹題請 旨

皇明經世文編卷之三百七十九

華亭

徐孚遠、關公、宋徵璧、尚木

選輯

陳子龍、卧子、李雯、舒章

嚴嶠、銳子、叅閱

陳恭介公奏疏

疏

陳有年

議覆成國公朱希忠卹典疏

成國追封

查得諸司職掌凡功臣歿後公追封爲王侯追封爲公合封三代者照依追贈封爵一體追封其襲爵子

孫非建立奇功異能生死只依本爵查得正德十年該錦衣衛帶俸指揮同知張欽奏稱故父英國公張懋歷事五朝隨同討獲逆賊曹欽及提督操練効勞乞要追封王爵該本部議得張懋前項俱係本等職分似難追封題奉武宗皇帝聖旨還會官議了來說欽此隨該本部會同中府掌府事成國公朱輔等議得諸司職掌所載係聖祖定制萬世所當遵守別難議擬具題奉旨再經本部會同議得張懋於例不該追封題奉武宗皇帝聖旨還准追

封王爵其餘的罷欽此通查案呈到部看得後府都督朱希孝奏乞已故太師兼太子太師成國公朱希忠卹典乞要比照英國公張懋事例追封王爵一節爲照世爵追封以軍功爲主具載 令甲至於歿後封王。朝廷名器於斯爲極尤當慎重國家二百餘年非軍功而王者止張懋一人耳然當張欽陳乞本部具覆初議已爲不可及兩奉 旨會議舉朝持議以爲不可最後奉 特旨追封非可爲例今成國公朱希忠襲爵垂四十年事我 世宗皇帝則扈蹕督

營効有勤勞。逮事我 穆宗皇帝。暨翊戴我 皇上

登極。皆恪恭厥職。平生忠謹。固足爲多。但不過際遇

熙時。效臣子職分之常。未嘗勒竒偉於邊疆。投艱鉅

於戎馬。生前被寵。已足酬勞。歿後論功。輒難優異。所

據追封王爵。揆之於例。實非所應。臣等未敢輕議。伏

候 聖裁

爲欽奉 聖旨事疏 乞免難成燒造

據江西布政使司呈。奉臣等案驗。清查燒造 上用

瓷器。內有難成器皿。具數詳報。以憑會 題等因。行

據饒州府知府劉會喬呈稱查得原奉 欽降式樣
并單開燒造瓷器共九萬六千六百二十四個副對
面坐枝口把內除各項運解進及節奉 明旨停免
裁減外尚有燒造難成鮮紅硃砂古盃大紅魚盃紅
五龍靶鍾紅魚酒盞年久失傳大玲瓏方圓手盒面
徑濶大鼓腔涼墩自來未經燒造計一千五百六十
箇副對節奉催督廣詢博諏經心設法重懸賞格召
募智巧匠人採擇泥土廣造坯胎入窰屢次試燒百
無一成悉皆坼裂虛費錢糧徒竭心力工人束手法

無可施。至如檠臺龍缸玲瓏涼墩酒海龍蟬二樵花
餅大龍盃白薄酒盞龍盒等器共二千二百二十九
個副對枝口內多奇巧妝寘五彩或口面濶大或上
大下小底尖口撇或口罄肚凸均屬難成雖經造解
然皆百選一二錢糧糜費回青耗損伏乞轉達速爲
題 豁等因到臣據此案照萬曆十一年六月十九
日准工部咨該 內承運庫署御馬監太監孔成等
題奉 聖旨內燭臺棋盤屏風筆管減半造該本部
覆議分爲十運每年解進二運移咨前來并單開各

器共九萬六千六百二十四個副對面坐枝口把就
經備行該司道府管厰等官欽 遵燒造間萬曆十
三年內准本部咨爲天時亢旱推曠 聖慈瓷器旣
燒造難成內屏風碁盤燭臺花瓶新樣大缸燒成有
好的着揀進不堪的聽彼變賣未燒的停止以省費
息民今據前因除將原奉停止裁減之數另行造冊
咨報該部外該臣會同巡按江西監察御史孫旬覆
查得該司呈稱燒造難成鮮紅硃砂古盃大紅魚盃
紅五龍靶鍾紅魚酒盞大玲瓏方圓手盃鼓腔涼墩

等器從來燒無一成所當請免其繁臺龍缸玲瓏涼
墩酒海龍罈二糕花瓶大龍盃白薄酒盞龍盒等器
百選一二亦屬難成乞併行請減各一節爲照臣
子之於上供未有敢不競効者但力有殫而莫就
則困財有糜而無益則窮臣謹據該司呈稱燒造難
成之數詢之人言撥之物理蓋良有繇焉夫繇可計
縷而累織金可相液而立鑄無他謬巧迺若陶事則
人所能者塶埴爲坯耳及閉陶而煨之成石變幻目
不及睹手不能扶迨日至啓陶盼盼然視器成則喜

不成則有徬徨愁歎而已。就中而論。制鉅則難。狀奇則難。色莫知所傳則難。卽今所聞大抵不出三者。厥初肇造尚諉曰工未習與。募未廣與。二三年來。環陶之官役。晝訪夕惟。幾倖追責。何所不至。工非不習也。募非不廣也。所造旣已不少。所費亦且不貲。而陶冶未獲觀一器之成。內府未獲收一器之用。若前所稱鮮紅古盃等項。其爲竟不可成。明甚。其次雖嘗間成解。進寔皆出自天幸。識者謂檠臺涼墩之類。百不得一。龍缸花瓶之類。百不得五。謂之難成。亦非飾。

詞、夫捐不可計之供億。耗不易繼之顏料。而以陶爲
壑。以竟難成之器爲委。財力俱誦。公私偕病。江右嗷
嗷。慮此久矣。幸今 聖明敬 天憫人。愛民節用。行
令臣等查 奏。臣敢不仰承 聖德。俯察下情。謹將
難造器皿數目開坐上 請。伏乞一併 賜免。或酌
量 請減。其經用不可缺。及人力有可成者。容臣等
嚴督造解則 聖德之所沾被。易徬徨爲歌舞。轉虛
糜爲實用。而 上供亦不致愆期矣。

題爲酌議軍餘丁差等事

軍餘差丁

據江西布政司清軍右布政使宋應昌呈奉臣等會
案照得衛所爲地方之守禦軍餘皆 朝廷之赤子

文武官僚職掌雖殊軍民休戚痾瘵則一近見有司
之於百姓心存奉公而類多優恤衛所官之於軍丁
志在營私而類多朘削既有正軍以聽差操又有餘
丁以供役使勤收空月富者竭其脂膏強占私家貧

者瘁其筋力士農盡奪其本業妻子悉屬其奴僕以

致逃亡繁衆行伍空虛一衛額軍止五千餘向昌何卽如南昌一衛 國初額軍

萬餘以又萬迄今止存三千五百則他可知也夫今不爲議

處將來之疲困，殆有不可勝言者矣。議將該衛城屯餘丁，比照鄖陽滇南事例，悉照民戶見行條鞭徵銀催募，在各軍無終歲拘役之擾。在各官有額設僱役之銀，勞逸適均。官軍兩便。且編派之區畫詳盡，條款之開載分明，擬合再議，以避疲累等因。到臣據此案照先該臣等奉命撫按江藩入境以來，思所以奉揚皇上恤軍愛民德意，凡可爲其興利除害，以令受一分之賜者，便宜次第舉行。罔敢後時。所有軍衛條鞭之法，誠爲革弊甦困之方。中間慎始慮終，區畫

詳盡舉而行之，實爲官軍兩便，遽以顧忌寢格，殊爲可惜。臣隨會同巡按江西監察御史孫旬，案行該道，再加會議去後，今據前因該臣等會看得衛所武弁承遠祖之功勳，竊清朝之祿位，一籌未展，旣安享章綬之榮，方寸有知，當勉圖涓埃之報，夫何纔濫貂續卽肆狼貪，假耳目於奴僕，恣魚肉於軍人，或侵奪屯田，而冒其糧餉，或濫役軍丁，而勒其錙銖，甚有一官而包占數十卒，宴會酒席，坐之軍吏，祭祀儀品，派之餘丁，凌虐迫于妻孥，驅使及于童稚，商不得行貨。

農不得服耕，學藝者令其赴工，習讀者強其去業，由祖及孫，世屬其奴隸，自少至老，日伺其門庭，富者盡財，貧者竭力，以故流竄死亡，不啻過半，蓋緣軍屬武職，役占之例，雖嚴經制之法，未備則其虐害之弊，在在不免。微獨南昌一衛已也，但該衛地附省會，事體倍於繁難，軍士疲於奔命，所據司道會議，欲照民戶原以南昌一衛餘丁前屯四一別一名者各納銀八分聚左屯及雲南等省軍衛見行條鞭事例，酌丁編差，徵銀招募銀一輸納，身卽空閑，私室寧居，軍無拘集之擾，公家服役，官有工僱之銀，委爲衆輕易舉，勞逸適均，與

二休九原

三丁朋一名者納銀一錢一分則一名批派銀三錢

情稱便，經久可行，相應遵例題請，以慰軍士延頸之望，以廣皇上優恤之恩，伏乞勅下兵部，速爲題覆，仍行咨劄臣等轉行各該司道，督行府衛掌印清軍等官，卽於萬曆十五年爲始，遵照派徵施行，以後每三年聽二司清軍道呈委廉能有司，督同該衛掌印操屯指揮，照例清審一次，成丁者收補，逃故者開除，仍以前定差銀爲準，丁多則遞減，丁少則遞加，遇有正軍逃故，卽將本戶見在餘丁頂補，差銀照例除豁，毋得輒行原籍。一槩勾擾，該衛各官，敢有仍前

役占及包納月錢或額外過徵者查訪得出或被告發定行照例查叅用示懲警其餘衛所仍令一體查編以甦困累庶法紀畫一而軍戶凋瘵之子遺將遂更生之願矣

孫太宰奏疏

孫丕揚

懇乞聖明酌舉臺章舊體以圖澄清疏

酌定臺

近來臺規頗務盡一而未收振肅之効者規制

臣等切惟天下之澄清治人與治法兩者而已御史

雖立定事未行也

者身澄清之治人都御史者總澄清之治法者也故

四方之體統欲正矣而臺體之因循當革爲天下先百僚之法紀欲齊矣而臺規之參差當釐爲百僚儆臣不敢遠舉目今掌道御史風紀之總會也相習爲乍掌乍變矣巡按御史省直之具瞻也相習爲重內輕外矣巡視御史畿會之首善也相習爲月易季易矣如是而望以澄清誰其任之此關於天下國家非渺小也臣丕揚舊臺臣也猶能頗記舊章謹出千慮仰塵乙覽倘大聖不棄乎芻蕘冀細流小裨於滄海斯臣與諸御史之上願存焉其一曰專御史之掌道

臣惟十三道爲言路關係禮樂政刑罔不察焉故事
御史掌道恒用年深邇來定爲六人規矣然掌管數
易政體推諉非計也臣謂專任使便掌河南道者兼
管福建道掌浙江道者兼管雲南道掌山東道者兼
管廣西道掌江西道者兼管四川道掌山西道者兼
管廣東道掌陝西道者兼管湖廣道貴州道一如河
南道考察不變之體而道有定掌焉掌道御史仍用
年深先三差回者次兩差回者又次中差回者俱照
隆慶二年事例劄委掌管一年爲滿卽准筭差倘遇

缺人差用亦必掌踰半年始更易之而又立交代公
移之簿以稽職業斯則道務掌以定員事有專屬久
任期以成歲人有固志衆思集忠益廣大政大議其
有所賴矣乎此澄清之總地所當議處者一也其二
曰重御史之按差臣惟兩京爲根本重地十三省爲
紀綱專司官箴民隱御史肩之稱隆重矣故事御史
之按巡也必中差始請按差必滿差始請代差必挨
次始得擬差憲度森然莫敢紊者近見臺規多變體
矣臣謂仍舊貫便順天卽近不專資深以防擇人廣

貴卽遠不差初授以防擇地江浙卽大不再酌量以防擇差不中差者非甚缺人不按差焉不歲滿者卽甚遐方不擬代焉不循次者非果南北不易處焉差鮮躡等人乏欲速豈非蕩蕩平平光明正大之憲猷乎守此而練習弛張整齊藩翰人人敦琴鶴之風省省奏青驄之績方隅依藉豈其微乎此澄清分憲所當議處者二也其三曰久御史之巡城臣觀居重要地孰五城最哉巡視御史故事不專爲喧鬧設者事有奸弊依法送理正統間例也禁約賭博緝捕盜賊

坐舖火夫、究問優免、成化間例也。查問九門官吏、多
勒索商財物、弘治間例也。訪察叅奏、打點饋送、嘉靖
間例也。至於禁止科斂、詐騙、裁抑豪橫、奸頑、安恤孤
獨、良善、懲創奢侈、遊戲、舉劾兵馬善惡、何莫非御史
事哉。臣謂專責成、便御史必用實授、替差必劄一年、
憲度必期力舉、務相率而專心城務、以遏此城社之
狐鼠、救此輦轂之瘡痍、而又省其外班、以杜請托、立
爲歲冊、以報滿政、斯都人蝟冗之谷、絲蠶食之輻輳、
冀可彈壓之有資矣。此澄清國都所當議處者三也。

伏乞 聖明再加裁酌。如果臣言可採，將掌道巡按
巡城三項御史，照臣等今擬責成，仍將差規差次，照
舊體總刻一冊，付諸御史遵守，使諸御史在內者不
敢以此爲養望循資之地，傳舍其職業而不講，在外
者皆知以此爲耳目民社之託，拮据其心力而不辭。
則十三道之體正而後可以正人，十三道之法齊而
後可以齊衆。其於澄清之効，或可漸次覩云。

歲清天下囹圄疏

歲清刑獄

據浙江等司察呈犯法愚民，何處不有，戾法寬民，亦

何處不有、若非每歲清理、必待五年差官、寃抑之犯、
難免園土、合無照兩京矜疑事例、歲酌一字、其于獄
政裨補不小等因到部、臣惟國家典章、兩京寃犯、春
秋時得荷德意而矜疑之、以 都中含寃之夫、鮮不
昭雪于天日者、惟是省直輕重繫囚、奚啻百倍京師
也、乃君門萬里、獨不得偕郡人歲與天恩、非所語無
私之聖治也、既經各司具呈相應酌處、臣查得成化
二年、萬曆十三年審錄之例、卽曾通行天下、旋卽報
罷、豈非以省直地方、各有審錄御史在耶、顧御史職

掌執法原無歲例卽官御史時亦不敢輕開釋者臣
請 皇上施好生之德擴解網之仁始于邦畿終于
四海令匹夫匹婦無不被堯舜之澤則惟有歲歲處
處開矜疑之例焉耳蓋犯人之在獄也情狀甚難巡
撫允而巡按不允者恒獄于斯巡按允而巡撫不允

教語簡而該

者恒獄于斯赴理于藩臬守巡申詳于郡縣守令不
允者恒獄于斯夫大之人命強盜或以賊証而遲疑
中之流徒軍犯或亦以追賊而淹滯小之贖金錢儻
或無財而追比亦必恒獄于斯近者動遲歲月遠者

或久禁縲紲不得歸結。合天下囚圜而總計之。蓋不知其幾千萬人。已此皆仰仗。皇上照及覆盆。則得生。不照則不得生者也。臣願皇上于巡按每歲審錄之外。再申澄清圜圖之法。師兩京會審之規。爲撫按會疏之例。方春時和也。每歲聽兩直隸十三省各撫按官會行所屬問刑衙門。各審部內輕重囚犯有寃抑者。按察司居首會也。卽審省會之囚。守巡道有分上也。卽審各道之囚。皆身親巡歷。不得調審州縣。爲諸囚憂。亦不得委審守令。除情真罪當。審無寃枉。

者照舊監候外，中有死罪矜疑軍徒杖笞情可原宥者，許各詳諸撫按會疏以請。第一列死罪之可矜可疑者，每人述哀矜之狀。其次列軍徒追贓之可遣可配者，每件述處分之由。又其次列笞杖之可保可釋者，令監禁之犯撫按疏期，勿過夏月爲率。大都輕罪自發落，無致久羈重罪仍聽部覆恭候。聖裁務使歲歲力行，處處清審，則天下郡縣無一不清之囚，囚圉無一不清之罪。天下冤民庶幾漸少。皇上政舉刑清之化，豈不永賴于海隅蒼生也哉。

約束郡縣省刑罰疏

省刑省罰約束

該浙江等十三司案呈司寇職掌邦禁郡縣分理刑
名必須守令刑罰能省然後郡縣寃民可無國初
民淳刑省郡縣尚樹戒石以儆官邪自今淫刑濫罰
強半海內可無約束以救無辜等因到部臣惟天下
之治平貪酷之吏害之也吏治之貪酷刑罰之過使
之也故善圖治者先省刑罰而已所據各司等呈委
于邦禁有禠今邦國之患在于死刑久不所無以顧今天下刑罰最害民者不在大辟遠
戍之重刑而在過撻過罰之輕施重則動必掣肘禍

人也。恒難輕。則欲可從心。禍人也。恒易。故鞭作官刑。刑之輕者也。聽訟者。誰不易之。然酷吏借此。每以制人之命。故或有過志忘倫而刑者。情流喜怒而刑者。時違天人而刑者。遇可矜疑而刑者。一不省約而任法。卽令罪不至死之人。無故而就死地。此與決不待時。何異焉。天下之傷民生者。孰大于此。金作贖刑。罰之輕者也。聽訟者。誰不易之。然貪吏藉此。每以利人之財。故或有罪內罪外而罰者。錢糧里甲而罰者。公用上司而罰者。尅扣錢穀而罰者。一不省減而任愷。

卽使犯非破家之人，忽令無立錫地。此與沒產入官何異焉。天下之傷民財者，孰大于此。如是而欲其民樂獻畝，野寧雞犬，難矣哉。昔仲尼論從政之屏惡，以不教而設爲虐，孟軻氏論禦人之諸侯，必教之不改而治，茲欲遏貪酷接踵之風，俾盡海內而刑清政舉，約束之教，容可已乎。先臣丘濬嘗請禁于孝宗朝矣。彼其時條教未布，民到于今思之，臣叨掌邦禁，僭採諺言，稽律例之未有借人利已，察閭閻之共患，守令假以虐民者，各擬約束以立教範，刑罰兩端，共一十

六條直陳民情、逐款後列、固不敢輕于律例、以防民而縱民、亦不敢重于律例、任禁暴以爲暴、合無通行天下、撫按各令所轄郡縣、書置座側、俾海內寃民、曉然知皇上覆載深仁、不欲吏之濫刑也如此、不欲吏之濫罰也如此、庶幾明命照臨、一顧諟間、其在官也、接目警心、有所畏而斂迹、其在野也、家傳人誦、有所恃而安枕、率天下之守令、而革心革面、必此刑罰之約束爲首務、夫撫按諸臣、專制一方、卽身督守令、親省刑罰、爲天子肩治平之任者也、刑罰約束、欲從

省矣。貪酷者不察而入薦。何術懼天下之貪酷。刑罰約束惡不中矣。廉能者或棄而不錄。何術與天下之廉能。此猶吏治名實之辨。民隱休戚之端。朝廷嘉隆治迹。遠讓弘治。其机皆決于此。是在察吏之撫按。彰善癉惡。舉直刺枉。肯覈實耳。如此則條教迪之于先。導天下羣吏。邇未然之刑罰。激勸督之于後。惧天下羣吏。邇已然之貪酷。卽能任刑任罰。豈得暴彼民哉。皇上欲爲生民立命脉。爲海內隆治平。舍此適治之路。似無由也。伏乞皇上再加裁酌。如果芻蕘可採。

恭候命下、容臣通行撫按諸臣、卽將後開省刑罰諸
約束狀、照依國初戒石事例、各書守令公署、以示遵
守、其撫按舉刺獎戒、務考刑罰、計寬嚴、有無破敗人
產、有無殘害人命、有無貪酷形狀、而賢否之、以示激
勸、仍先將各郡縣遵依緣絲咨部知會郡縣不省刑
罰者、聽撫按查考、撫按不覈實守令省刑罰者、聽部
院查考、將見仁心仁政、沛然海宇、斯民永賴無疆矣、
臣不勝懇切祈望之至、計開省刑約束、一律例原
無、宜省刑四條、勿用磨骨釘釘枷號、勿用數百斤三

四人立枷，勿用帶根板水缸杖生樹棍，勿用腦箍竹簽嘴掌背花，二倫理當重，宜省刑四條。父子兄弟告者，恕父兄刑，夫妻尊長告者，恕夫與尊長刑，妻妾替夫誣告者，省妻妾刑，子弟替父兄誣告者，省子弟刑。三刑流防過省四條，先加撻者，後莫加撻，人加撻者，我莫加撻，已刑下體，莫刑上體，已撻輪者，莫撻贏家。四情偏防過省刑四條，勿偏聽原被告加刑，勿過疑証佐加刑，勿出我聰明加刑，勿怒人強項加刑，五避天時省刑罰四條，旱荒宜省刑，寒暑宜省刑，霜雪宜

省刑節令宜省刑六體人情省刑四條屍親宜省刑
救尊長者宜省刑訴冤枉者宜省刑口訥宜省刑七
人可矜者省刑四條老少者宜省刑飢寒者宜省刑
病初愈者宜省刑殘廢篤疾者宜省刑八人可疑者
省刑四條官員宜省刑生儒宜省刑婦女宜省刑賊
情曖昧宜省刑省罰約束一省罪內罰四條勿輕罪
謂罪之密者謂若一有司今更若十命使並依律科
已擬而又罰勿重罪輕擬而加罰勿改無力贖爲有
罪所出無多由贖懸派所取無限故也
力贖勿改輕罪贖爲重罪贖二省罪外罰四條勿因
事白罰富民勿脅短明取罪民勿罰紙穀收折價勿

受賄賂故出入罪，三省錢糧罰四條，勿取常例寬限，勿取重收秤頭，勿染投櫃拆封，勿畚多派大戶，四省里甲罰四條，勿明徵會銀暗用里甲，勿里甲輪支又派殷實，勿用銀多而累管支包補，勿用銀少而令行戶出物，五省指公費罰四條，勿指迎送科罰，勿指來朝科罰，勿指士夫科罰，勿指截糧科罰，六省指上司罰四條，勿指上司取無碍銀罰，勿指上司送長夫銀罰，勿指上司發獎勵銀罰，勿指上司送節壽禮罰，七省尅扣罰四條，勿尅扣船車官銀，勿尅扣各役工銀。

勿尅扣各行稅銀，勿派取地方土宜，八省紙穀罰四條。勿尅上司官銀，食穀抵數，勿尅自理贖銀，餘穀作正，勿尅賑濟銀兩，發倉欺人，勿尅修理工銀，勸借肥已。

皇明經世文編卷之終